

聶氏家言旬刊

民國十五年四月念六號

急募湖南賑款啓

敬啓者。湖南前年大水。去年大旱。災情之鉅。遠出意料之外。冬春之交。穀價已六七元。米價十六七元。尋常每石價不爲從來所未有。以致不災之區。亦患米荒。小康之家。亦多食粥。度日。災區則顆粒難得。飢民覓草根樹皮觀音土以苟延旦夕之命。災區既廣。款數難少。辦賑者竟無從措手。其杰隨諸鄉先生及滬上大慈善家後。擔任在滬募款。乃以戰事工潮連年多故。募捐倍難。計兩年間。僅集得五萬餘元。(內舍間捐集居四之一)。延至去冬。益成弩末。而災象更顯。待拯更切。外源既枯。自力又竭。其杰挪移乏術。呼籲無門。幸馮夢華先生復慨任募得壹萬五千元。前年亦募去二萬元。皆不在五萬元之內。蓋皆還交郭君涵齋辦理者。此次又任募五千元。王一亭先生復募得麵粉千包。洋壹千五百元。余堯衡先生先後募集及自捐共四千餘元。益以舍間之萬數千元。內三千元係其杰變售祖遺田產之款。元又三千元係郭君涵齋所遺珠飾售得之價。以濟眉急。此款概交由郭君涵齋。湘陰郭侍郎之文孫辦賑能耐勞苦。常與災民同食糜粥。去歲且售田一莊充賑。歷次馮夢華老辦湘賑。皆委任郭君經辦。擇災

期六十八

急募湖南賑款啓

破迷篇(續前期)

耕心齋隨筆

上海匯山路四十八號聶宅發行

情最劇之臨湘平江岳州散放。作爲種穀之用。雖爲數非鉅。然亦施及九千戶之多。茲復據郭君來函。謂災民目前無可得食。不能不急爲設法。臨湘一處。近日餓死者千餘人。其困餓而自盡者。亦日有所聞。目覩慘情。迄無辦法。卽論臨湘一邑。非再籌三四萬元。不能救濟。郭君電致馮夢華。謂災廣款絀。存亡呼吸。懇迅救援。振塘泣叩云云。又函稱自將私產託商號抵借萬元。以資賑濟。其杰讀悉之下。悲從中來。蓋郭君情詞如是迫切。且家產非豐。竟質之以充賑。其哀慘之狀。有可想見者矣。而自顧無法募款。徬徨不知爲計。適接湘信。其本續售之田一莊。已有成議。得價三千六百元。原爲還債之用者。茲覩此情形。遂決計以此項田價。悉撥賑濟之用。又將餘存亡室遺飾。急行全售。可得二千餘元。並稟商家慈續由舍間公捐四千元。足成萬元。以資拯救。但災區尙多。不止臨湘一邑。其急迫情形。處處相同。非多集款鉅。則杯水車薪。於事何濟。湖南向無麥收。新稻須俟七月。此數月中。若無法接濟。則眼見青苗不能活。目前之命。所謂爲山九仞。功虧一簣。

辦賑之事日日皆在功虧一篑之中。若謂稍資點綴以盡心。則實未設身處地以著想耳。其杰能力薄弱。無法籌募。不得不仰望。

大慈善家。慨施義粟。以救數十百萬垂死之災民。古人有言。惠不在大。濟人之急可也。所冀

仁人君子。各量個人之力。以盡一己之心。若志願出於真誠。而力有未逮。則雖一文錢之布施。其功德亦不可思議。天理循環。感應如響。無德不有報。無因不有果。惟

大君子圖之。聶其杰謹啓

破迷篇

續前期

聶其杰 丙寅二月二十五日

有所爲而爲也。而自欺欺人之事。皆由此而出。佛家謂爲有爲法。假令爲善。則爲有漏善業。謂其善業有限。惡果隨之而至焉。所謂因地不真。果招紆曲者也。然則吾人言存心制行。修德爲善者。苟不深明因果之義。且確知造因結果皆純由我而絕非憑藉他力。以自向本源處用功。鮮有不誤入歧途。而終致惡果者。此聖人不得不明辨是非本末。以教人之苦心也。今言上帝之教者曰。上帝萬能者也。人物世界皆其所造。禍福死生。皆其所與。其賞罰視人之信否爲斷。而善義與否不與焉。且深惡因果之說。蓋因果之義一明。則上帝失其

報。非上帝所得吝而不與也。凡屬惡業。必得惡報。非上帝所得赦而幸免也。而此義適與演上帝之教者相反。且也。凡屬上帝之教。皆以信彼教之上帝爲第一義。假令循他種教義。而亦得稱善義。同得善報。則彼之教條不能自存。例如猶太教。基督教。同尊耶和華上帝者也。基督教之言曰。耶穌未生以前。世人賴義得赦。耶穌既生以後。世人必賴耶穌之血始得赦。凡不信耶穌者。皆不得赦贖。猶太教徒不承認有耶穌者也。假令猶太教之善義人。亦能邀上帝之赦賞。則基督教之信條爲無效。故決不承也。又如天主教與基督新教。同一奉耶穌者也。舊教之言曰。新教徒未經舊教遞傳之接手續。禮爲聖靈所不屬。故非真教。凡屬新教者。皆不得赦贖。假令新教徒之善義者。同得赦賞。則舊教失其威信。故決不承也。夫同一上帝。同一教主。同一經典信條。猶必不可同受赦賞。則其視佛孔之教。斥迷信破神權。而以人心爲因果之最高主宰者。雖屬善義。決不能容於彼之上帝。更無待言也。然而衡諸良心。準諸情理。徵諸事實。證驗則究竟何如耶。夫不奉一教。教主之名。率循其儀式。以事其上帝。則善義亦不得赦賞。此演上帝教者所同。蓋不如是。則人皆可循道修德。以自拔於罪惡。而自得善報。人何必乞靈於彼之教主。與傳道者乎。此點一經道破。而其信條全體之虛僞。妄謬。穿鑿。附會。遂昭然若揭。而無可隱遁。以如此之教義。而謂能感化羣衆。

故不疑及教事之有偏計。且今則教會自相詆諆。離離畢露。安能更以愚人乎。又昔在西方。民智未淪之時。理想膚淺。故鮮有研求其究竟。明辨其是非者。今則教育普興。哲學科學。理論層出。析疑辯難。以求其當。而神權之說。已被掙擊。而身無完膚。更何恃以自存乎。且也上帝之教。如基督天主等勢力之最大者。固賴國力以推行。而其能保存勢力若是之專且久者。以其未嘗與反神權破迷信之教義。旗鼓相見故也。海舶東通。白人挾其宗教科學以俱來。中國人士震駭於彼之兵力財力。震駭其種種科學製造。自慚形穢。事事降心相從。彼教之徒。乃乘機倡言於衆曰。泰西之強。宗教之功也。不觀乎世界富強國。文明國。如英如法如俄如德如美如意奧。荷比瑞那西葡等等。莫非宗耶穌基督以為教者。又不觀乎世界弱國。為此等文明強國所征服者。莫非不從耶教者也。彼同時又以鉅資廣設學校。以傳其教。推行數百年。費資數億萬。教堂遍各地。彼既言之似成理。行之似有小效近利。而我國士大夫之流。大半為帖括詞章利祿汨其心志。鮮有能念及世教者。間有一二有心人。詞而闢之者。又不能深入。彼教中察知其底蘊。洞悉其弊害。指明其癥結之所在。以辨其惑。而正其誤。無以阻我國人之盲從迷信。於是西方之流毒。遂濡染及於中土矣。洪楊之徒。且以政治宗教并為一談。以倡革命。欲舉舊有之禮教而悉推翻之。所至之處。毀文廟。佛寺。以為禮拜上帝之所。彼輩既以天國選民自居。自謂所為

悉達乎上帝之意。豈種種暴行無所愧怍。願忘曾文正公率正義之師。苦戰十數年。始得殲平之。使全國人民幸免於教禍者數十年。卒之以列強之國勢方張。教會挾其國力氣焰。亦愈熾。加以智識階級信教者極少。而無賴藉教牟利肆虐者甚多。致仇教之案迭起。歷次引起外交。皆以割地賠款為結局。壓迫愈深。致有義和團之役。賠款至四萬萬。自是尊崇教士。具為典制。而教會之勢益盛矣。二十年來。教會學校生徒數倍於往昔。而其種種活動事業。亦數倍於前時。宜若教會之根基愈固矣。而孰知實際乃得其反。非基督反教會之聲。囂然盈耳。細按之。半出於曾受基督教會之教育者。此其教義之虛誣不能使人誠信。亦其明矣。同時全世界反對教會之趨勢。日形嚴重。默觀大勢。今後之上帝教不能於智識界託足。已無疑義。夫破除神權迷信似為可喜。而破除迷信。苟不出於明辨究竟之理論。又有正信智信以導之。於正則亦有心人之所憂也。予嘗撰宗教辨惑說。及儒家畏天命與耶教禱謝上帝辨。及明害篇。三文。斥彼教之謬妄。同時發揮我國教義以為之折衷。教中學識較高之士。頗多表示同情。然未有能毅然捨妄以求真者。竊嘗察其所以戀戀不捨之故。蓋猶有待於明白之辨析者。不能不分別指陳之。其最大多數之以信教為生計。非出真信者。及泛信而未嘗深研教義。惟以如期禮拜為事者。茲不具論。其真效忠於耶穌教者。可略分三類。其一。篤信耶穌即上帝化身。代人流血贖罪。

而認其經爲一字不可易。雖不合理之言。一一強爲辯護。執一而不可破也。其二視耶穌等於他教之聖人。對於其經言之合理者從之。不合理者置之弗論。至於他教教義。雖較精當。所不研究。以爲耶穌亦同爲聖人。教人爲善斯可矣。何必捨我所信而從彼乎。又何爲朝三而暮四乎。又以爲此教中亦疊出偉大正人。何教不各有其優點耶。見其小數之利而忽其大端之害。亦執一而不可破也。其三重視上帝以爲天父造人之義。基督耶穌而外。未之前聞。耶穌縱無幾何高深之教義。獨此事天父之義。不可易也。何也。世界人物萬類。靈妙神奇。不有上帝何以造之。禍福賞罰。誰爲主之。亦執一而不可破也。茲請以次論之。其屬於第一類者。西人稱爲根本義派。純以執一迷信爲主。年老之教師。此類居多數。此派既不以論理人情爲準。無可討論。然近爲教中之新派所攻。其勢力漸有不支之象。遲早必居淘汰之列。其屬第二類者。在西國教會中。今已漸占多數。所謂新派者也。實則具此等改良信仰之觀念者。其對於基督教義之信仰。已完全動搖。故爲根本義派所極端反對。蓋若視耶穌爲與他教聖人同等。則基督教立足之點失矣。基督教之根本義。以信爲主。今新派見其教義之不合於理者多。於是主張改良其信條。以衡情度理爲主。至於衡情度理。則其教賴以成立之根本要義。咸將推倒。如團土爲人也。如始祖違命食果罪及世世子孫。

義而不奉耶穌之名者不得赦也。如耶穌有權赦人之罪。雖大罪惡人得升天堂也。如一經受洗禮而成爲聖潔也。如末日審判死人從家中復出也。此數者基督教會所賴以成立之根本信條也。一經改良。則教會之面目全失。然苟不改其教。且將完全推倒。故歐美教會新派勢力漸盛。冀保存其教也。彼既以情理爲主。則爲捨上帝教而趨向人心教之徵象。是故新派勢力發展之時。必將向我國教義採取應用。以爲彼教之標準。可斷言也。世間所謂道。所謂真理。所謂良心之準衡。止有一。非有二。此是則彼非。不能兩者皆是。耶穌之是否確爲上帝爲聖人。其流血是否確有代人贖罪之功效。則先應研究其所言世人有罪之原因。是否合理。未完

耕心齋隨筆

西人信佛之傾向

滬上有西人所辦證道學會。其會中重要職員三人皆持長齋。並有信佛之傾向。日前該會延廣東黃君茂林以英文演講佛學。西人聽者頗衆。黃君西學博洽。而佛學知見甚正。予與關綱之先生同往與會。恨相見晚。黃君言近日西人至印度。錫蘭。求佛學者。頗不乏人。英國駐日大使愛立約君。昔年曾任香港大學校長者。學問道德均極高尚。通十國文言。長齋念佛已數年矣。又某英兵艦艦長哈定君。於艦內特設佛